

Téarma 1

**Meán Fómhair –
Samhain 2025**

(10 seachtaine)

Bunchúrsa Cruinnis ar Líne ó Ghaelteanga (Leibhéal C1)

 www.gaelteanga.com



GAELTEANGA



**Cabhróidh an cúrsa seo leat Gaeilge níos cruinne a scríobh
agus tuiscint cheart a fháil ar go leor rialacha gramadaí!**

Sceideal an chúrsa (Téarma 1)

Lá: Déardaoin

Am: 7.00–9.00pm

Fad: 10 seachtaine

Dáta tosaithe: 25 Meán Fómhair 2025

Dáta críochnaithe: 27 Samhain 2025

Cuirtear Bunchúrsa Cruinnis Ghaelteanga ar fáil trí huaire éagsúla sa bhliain:

Téarma 1, Meán Fómhair–Nollaig
Téarma 2, Eanáir–Aibreán
Téarma 3, Bealtaine–Iúil

Cé air a bhfuil an cúrsa dírithe?

Tá Bunchúrsa Cruinnis Ghaelteanga dírithe ar dhaoine a bhfuil Gaeilge labhartha mhaith acu ach ar mian leo gramadach níos cruinne a bheith acu agus deis a fháil a gcuid scileanna scríofa a fhorbairt. Beidh sé an-chabhrach dóibh siúd nach bhfuil ach tuiscint theoranta acu ar rialacha ghramadach na Gaeilge.

Tá an cúrsa an-oiriúnach do dhaoine atá ag obair trí Ghaeilge – iriseoirí, craoltóirí, státseirbhísigh agus múinteoirí, mar shampla – agus do mhic léinn atá ag déanamh staidéar ar an nGaeilge mar ábhar i gcoláiste tríú leibhéal. Tá an clár feiliúnach chomh maith dóibhsean a dteastaíonn uathu freastal ar Chúrsa Cruinnis Ghaelteanga amach anseo ach nach bhfuil an caighdeán cuí bainte amach acu go fóill.





Ábhar agus gníomhaíochtaí

Ní mhúinfeadh ach gramadach atá úsáideach agus a chabhróidh leis na rannpháirtithe agus iad ag úsáid na teanga go laethúil. Múinfeadh rialacha agus ansin tabharfar deis do na rannpháirtithe iad a chur i bhfeidhm sa chaint agus sa scríobh. Tabharfar tús áite don Chaighdeán Oifigiúil seachas do chanúint faoi leith ar bith.

Ní bheidh an t-ábhar chomh casta is atá an t-ábhar a úsáidtear i gCúrsa Cruinnis Ghaelteanga ná ní bheidh na gníomhaíochtaí chomh dúshlánach céanna is atá na cinn atá i gceist sa chúrsa áirithe sin.

Bainfeadh úsáid as sleachta as irisí agus nuachtáin agus as míreanna ón raidió agus ón teilifís, agus beidh réimse leathan gníomhaíochtaí i gceist sna ranganna, iad seo ina measc:

- cleachtaí aistriúcháin
- cleachtaí agus cluichí gramadaí
- cleachtaí scríbhneoireachta
- cleachtaí éisteachta ina mbeidh béim faoi leith ar chúrsaí reatha
- cora cainte úsáideacha atá le fáil sna canúintí éagsúla
- stór focal comhaimseartha
- cleachtaí cainte.

Díreofar ar fhadhb an bhéarlachais agus ar chuid de na drochnósanna atá le fáil sa teanga anois agus molfar leaganacha níos dúchasaí i gcás abairtí mínádúrtha, lochtacha.

Cuirfeadh béim láidir sa chúrsa freisin ar na hacmhainní ar líne atá ar fáil do lucht scríofa na Gaeilge agus múinfeadh do na rannpháirtithe an tslí leis an úsáid is éifeachtaí a bhaint astu. Cabhróidh sé seo leo Gaeilge i bhfad níos cruinne a scríobh.

Gnéithe den ghramadach

Seo cuid de na gnéithe den ghramadach a ndíreofar orthu i dTéarma 1 an chúrsa:

- téarmaíocht na gramadaí
- tuiseal ainmneach uatha agus iolra an ainmfhocail
- inscne ainmfhocail
- tuiseal gairmeach an ainmfhocail
- tuiseal ginideach an ainmfhocail
- na réamhfhocail shimplí
- na réamhfhocail shimplí + an t-alt
- ainmfhocail + aidiachtaí.



Cur chuige teagaisc

Bainfear úsáid as an gcur chuige cumarsáideach i rith an chúrsa. Beidh obair bheirte agus obair ghrúpa mar chuid lárnach de na ranganna, rud a thabharfaidh deis do na foghlaimeoirí cleachtadh a dhéanamh ar an méid a bheidh múinte dóibh.

Cúrsa ar líne

Beidh fáil ag na rannpháirtithe ar chúrsa ar líne a mbeidh réimse cleachtaí le fáil ann a bheidh bunaithe ar obair na ranganna. Beidh na cleachtaí seo idirghníomhach: cuirfear in iúl don úsáideoir láithreach cad iad na freagraí a bheidh ceart agus mícheart aige/aici agus cuirfear na freagraí cearta ar fáil dó/di i gcás na gceisteanna a ndéanfaidh sé/sí botún iontu.

Táille agus clárú

Cosnóidh an cúrsa 20 uair an chloig €200. Is féidir leat d'áit a chur in áirithe ar an gcúrsa ach cliceáil [anseo](#).

Eolas breise

Ríomhphost: gaelteanga@gmail.com
Guthán: +353 89 251 0296
WhatsApp: +353 89 251 0296

Údar agus teagascóir an chúrsa

Is é Éamonn Ó Dónaill a scríobh an cúrsa seo agus a mhúinfidh é chomh maith.

Áirítear Éamonn ar dhuine de na saineolaithe is cumasaí i réimse theagasc agus fhoghlaím na Gaeilge. Tá sé ag múineadh Gaeilge do dhaoine fásta ó bhí 1981 ann agus baintear úsáid fhorleathan as a chuid leabhar d'fhoghlaimeoirí agus do mhúinteoirí, in Éirinn agus thar lear.

Is é a ghraiméar *Gramadach gan Stró!* an príomh-théacsleabhar a úsáidtear chun an Ghaeilge a mhúineadh i bhformhór na gcoláistí tríú leibhéal in Éirinn agus tá breis agus 30,000 cóip de díolta ó foilsíodh den chéad uair é in 2008.

Is as Gaeltacht Ghaoth Dobhair ó dhúchas d'Éamonn. Chaith sé sé bliana (1996–2002) ag obair mar Stiúrthóir ar an Teanglann i Roinn na Nua-Ghaeilge, an Coláiste Ollscoile, Baile Átha Cliath, agus ina dhiaidh sin d'oibrigh sé mar chomhairleoir teanga.

Bhí Éamonn ina chomhordaitheoir teanga ar dhá shraith teilifíse a bhí dírithe ar fhoghlaimeoirí fásta: *Turas Teanga*, a craoladh ar RTÉ sa bhliain 2004, agus *Now You're Talking*, a taispeánadh ar BBC agus RTÉ in 1995. Scríobh sé na leabhair freisin a bhí ag gabháil leis an dá shraith sin.

I measc na leabhar eile d'fhoghlaimeoirí Gaeilge atá scríofa ag Éamonn, tá na cinn seo a leanas: *Gaeilge gan Stró! – Beginners Level*, *Gaeilge gan Stró! – Lower Intermediate Level* agus *Irish Grammar You Really Need to Know: Teach Yourself*.





Ceisteanna coitianta

1. Cén t-ardán a úsáidfeá chun na ranganna a chur ar fáil?

Múinfeá na ranganna ar fad ar Zoom.

2. Cén trealamh atá ag teastáil chun freastal ar an rang?

Beidh ríomhaire glúine nó ríomhaire deisce ag teastáil uait, nasc leathanbhanda réasúnta maith agus gléas cinn a bhfuil micreafón mar chuid de (gléas cinn USB, más féidir). Is féidir gléasanna cinn a cheannach ar líne ar Amazon agus ar shuíomhanna gréasáin eile.

3. An féidir liom mo ghuthán a úsáid chun rochtain a fháil ar na ranganna?

Ní féidir leat páirt iomlán a ghlacadh sna ranganna (e.g., in obair bheirte agus in obair ghrúpa) agus guthán nó ríomhaire táibléid in úsáid agat, mar sin is fearr ríomhaire glúine nó ríomhaire deisce a úsáid.

4. An gá dom téacsleabhar a cheannach don chúrsa?

Ní gá – cuirfidh Gaelteanga ábhar an chúrsa ar fad ar fáil gan aon chostas breise.

5. An mbeidh fáil agam ar ábhar is féidir liom a úsáid chun an méid a d'fhoghlaim mé sa rang a chleachtadh?

Beidh. Beidh fáil agat ar chúrsa ar líne inar féidir leat cleachtaí idirghníomhacha a dhéanamh chun treisiú a dhéanamh ar an méid a bheidh foghlamtha agat sa rang.

6. An gá dom staidéar a dhéanamh idir na ranganna?

Ní bheidh sé éigeantach staidéar a dhéanamh idir ranganna ach moltar go láidir d'fhoghlaimoirí staidéar a dhéanamh ar an ábhar ar líne chun athbhreithniú a dhéanamh ar a bhfuil clúdaithe acu sa rang.